

四庫全書

子部

欽定四庫全書

子部  
海錄碎事卷二十

詳校官中書臣李彤

侍讀臣孫球覆勘

總校官進士臣繆琪

校對官中書臣王瓚

謄錄監生臣唐珪

欽定四庫全書

海錄碎事卷二十

宋 葉廷珪 撰

武部

武畧門

制勝兩楹

折衝樽俎間制勝在兩楹

張景陽詩

捕古

西平田旋要馬基背張權而應衛琳謂基曰琳擊其東

我擊其西不六旬天下可定斯閉口捕舌也

龍鈴

王勃太公贊豹韜攘惡龍鈴辟邪

謀成几案

謀成几案定策帷幄

陸佐公石闕銘

計如投水

計如投水思若轉規

陸佐公石闕銘

四座公

願與四座公靜談金匱篇謂與坐客談兵也

李白詩

五兵權

兼知五兵權

李白詩

文規武畧

文規武畧譽流朝野

席上過師

趙充國屯田十二策治湟陝中道橋令可至鮮水以制  
西域伸威千里從枕席上過師十一也

本傳

將帥門

絕甘

李陵素與士大夫絕甘分少能得人之死力

緹騎

續漢志執金吾緹騎二百人注云緹赤黃色

被羽

賈復被羽先登注被負也析羽為旌將軍所執

抑揚霆電

抑揚霆電驅率貔貅

粉潰

白羽纔揮凶徒粉潰

飛騎

隋唐嘉話貞觀選才力驍捷善馳射者謂之飛騎

平亂韃

左屬平亂之韃右握滅逆之矢

百金士

李牧得百金之士五萬人能破敵擒將者賞百金

本兵柄

漢絳侯為太尉本兵柄注執兵柄之本

士卒鳧藻

後漢杜詩上書今將帥和睦士卒鳧藻注言如鳧之在

水藻

著翅人

後周韓杲破稽胡散其種落稽胡號為著翅人文帝曰



著翅之名寧減飛將

本傳

地上虎

北齊高昂字教曹兵趨商洛祭河伯曰河伯水中之神  
高教曹地上之虎行經所居故相沃酹

一瓜共食

北齊蘭陵王長恭為將每得一瓜必與將士共之

舉左旃

唐殷文圭投知己啟云將軍之舉左旃襲武者咸思効

勇公子之虛右席彫文者競願呈才注漢衛青拜大將軍開幕府舉左右旃招武士得前將軍趙充國後將軍公孫敖等魏信陵君無忌招賢士虛右席得侯嬴朱亥等

虛右席

見上

十二牙旗

自魏初大將行兵惟長孫嵩拒宋武及奚斤征河南獨給漏刻及十二牙旗

鷓鴣入鴟羣

文宣謂高思好曰汝擊賊如鷓鴣入鴟羣

養虺成蛇

介朱榮討元顥欲迴師高道穆曰可謂養虺成蛇悔無及矣

羊將狼

諸將皆與上定天下梟將也今乃使太子將之無異使

羊將狼皆不肯為用

張良傳

故等夷

諸將皆陛下故等夷

張良傳

掃境內

掃境內以屬將軍

項羽傳

讐伏

諸將讐伏注失氣也之涉反

項羽傳

小飯

韓信令其裨將傳餐曰今日破趙會食注小飯曰餐言

破趙後乃當共飽食也

韓信傳

効首虜

諸校効首虜休皆賀

韓信傳

畔敵

將軍今乃有畔敵之名大為中國羞注畔敵謂不敢當敵也

且戎幕

寄深且戎幕望重必台司

李白詩

應星文

羽林十二將羅列應星文霜仗懸秋月蜺旌卷夜雲

天將

王維燕支行漢家天將才且雄來時謁帝明光宮

雄戟

乃命上將授以雄戟

自潤入

自永和間羌叛十餘年間費用八十餘億諸將多斷盜

賊私自潤入

都都統

唐國子祭酒李涪刊誤云先帝時俳優恃恩寵為都知各允其請一日大合樂樂工諠譁上召都知止之三十人並進上曰止召都知何為畢至梨園使至曰三十人皆都知遂命李可及為都都知後僖宗至蜀王鐸伏節鎮涓臺且統關東諸將遂有都都統之號

懽隣國

名聲暴於夷貊威稜懾乎隣國注徒濫反陳留人語恐

言懾

李廣傳

不耦

諸宿將嘗留落不耦謂無功也

霍去病傳

裨王

得右賢王裨王十餘人猶言裨將也頻移反

衛青傳

票姚

霍去病為票姚校尉服虔曰音飄搖師古曰票頻妙反



姚羊召反勁疾之貌也

本傳

### 彌節

將軍其率師東轅彌節白檀以臨右北平盛秋言秋高

防入寇也亡俾反

李廣傳

### 攫戾執猛

謀臣武將皆能攫戾執猛破堅摧剛

南都賦

### 奉成規

言奉承天子之成命也

潘安仁書

擁旄

擁旄為漢將

整戎

整戎剛列輕武七命

長轡遠御

長轡遠御妙畧潛授  
孫子荆書

料敵如神

穆宗問韓充破賊期對一月可破二旬克帝喜曰料敵

若神

乘輅建節

乘輅建節奉疆場之任

丘希範書

戎重

總茲戎重

丘希範書

董統

董統鷹揚掃除凶逆董督也

陳孔璋檄

爪牙信布

爪牙信布腹心良平

漢贊

雲興之將

雲興之將帶州颺起之師跨邑

辨亡論

忠規武節

忠規武節未見如此其著者也

辨亡論

置科左右

曹仁少時不脩行檢及長為將嚴整常置科於左右案

以從事

詩書將

帝命詩書將壇登禮樂卿崔少常出鎮夏州

杜牧詩

軍旅門

征役檄書附

五家兵

齊桓既得管仲修齊國政連五家之兵注國語曰管仲  
制國五家為軌十軌為里四里為連十連為鄉以為軍  
令

押至

軍書交馳而輻湊羽檄重迹而押至音習狎之狎

從軍樂

王仲宣詩從軍有苦樂但問所從誰

戎旃

契闊戎旃從容讌語旃旌也契闊勤苦也言從軍也

白徒

唐書六軍宿衛之士皆市人白徒

露布

古者文書不封而明告中外者皆曰露布自元魏以來  
專為捷書寫以練帛建於漆竿

布槽

布槽征行飼馬取其輕便

梅林饒子

魏武行役失道三軍皆渴乃令曰前有大梅林饒子甘  
酸可解渴聞之口皆出水遂得前進

雞毛系檄

漢高祖曰吾以羽檄召天下應劭曰以雞毛系檄魏武  
奏事曰今邊有警輒露檄插羽檄以木簡為書赤三寸  
急之意也

馬首靡託

雞鳴戒旦則飄爾晨征日薄西山則馬首靡託

趙景真書

披榛覓路

披榛覓路涉澤求蹊

趙景真書

朝霞啟暉



朝霞啟暉太陽戢曜

趙景真書

蹴崑崙

蹴崑崙使西倒蹋太山使東覆

趙景真書

三五

見醫卜門

東平樹

東平之樹望咸陽而西靡蓋山之泉聞絃歌而赴節

劉

孝標書

露板

封氏見聞記露板露布之別名

戰陣門

懸狐尾

唐會要吐蕃以累世戰沒為甲門臨陣奔北者懸狐尾於其首以表狐之性怯

將指

勾踐拒吳靈姑浮以戈擊闔廬傷將指取其一屨還注足大指也

除狼

孫堅破董卓軍或謂袁術曰堅若得洛不可復制此為  
除狼而得虎也

輪臺

貳師軍至輪臺不下攻數日屠之

雲騎

雲騎亂漢南言如雲之多 王粲詩

一校

一校之隊言偏師也

曹子建表

偏舟

偏舟之任注亦偏師也吳水戰故云

曹子建表

先登羽

將秉先登羽豈敢聽金聲

王仲宣詩

一舉勲

率彼東南路將定一舉勲

王仲宣詩

灌殘燐

祖君彥為李密檄云瀉滄海而灌殘熒舉崑崙而壓小  
郊

擬金鼓

陷敵擬金鼓摧鋒揚旆旌

劉孝標出塞詩

連夜

督軍鳴戰鼓連夜數更輦

蓬乾就火

蓬乾就火雲薄承陽

李義山賀破賊表

投杯杖鉞

推枕援旗投杯杖鉞

李義山文

胡鼓

朝暗戎塵夜喧胡鼓

噓澁水

投秦坑而盡沸噓澁水而不流言破敵也

靈鉦

裁舉靈鉦亦抽金僕言用兵也

李義山文集

一把子人

侯景望梁軍曰一把子人何足打

劣容脚指

胡藩從征司馬休之以刀頭穿岸劣容脚指徑上遂破之

効級

効級獻所得首級也

蓬轉隊

劉昶黨與三百人其驍捷者號餓鵲隊武力者號蓬轉隊

挑戰

挑茶了切謂身獨戰不復須衆也

高祖紀

猪突豨勇

王莽募囚徒人奴擊匈奴名猪突豨勇

黃驄年少

裴果從軍征討乘黃驄衣青袍每先登陷陣時人號為



黃驄年少

甲不去身

傅豎眼為西征都督梁軍所在拒塞豎眼三日中轉戰二百餘里甲不去身頻致九捷

中堅

光武與敢死三千人衝其中堅注凡軍事中軍將最尊居中以堅銳自輔故曰中堅也

光武紀

追北

北幽陰之處故謂退敗奔走為北說文云北乖也史記  
樂書曰紂為朝歌北鄙之音朝歌者不時北者敗也鄙  
者陋也高祖紀

銜枚

銜枚止言語喧囂也周官有銜枚氏枚狀如箸橫銜之  
繯繫於項繯者結礙也繫繞也蓋為結紐而繞項也繯  
音獲繫音頤高祖紀

跽藉

兵相踣藉音臺登躡也或作蹈

一首級

人首級師古曰本以斬敵一首拜爵一級故謂一首為

一級霍去病傳

坐牧虜

漢兵即度幕人馬罷匈奴可坐牧虜耳衛青傳

喋血

今已誅諸呂新喋血京師大頰反字當作蹀謂履涉之

耳

文帝紀

百下百全

奮精兵誅不軌百下百全之道也

雷鼓嘈嘈

雷鼓嘈嘈喧武昌雲旗獵獵過潯陽

李白詩

九區

殺氣橫千里軍聲動九區

李白詩

鼓僊

左傳鼓僦可也言敵人在僦岨險處未成列可鼓而擊之也

羽隊

屯羽隊於外林注持箭者

七命

舉麾讚獲

叩鉦數校舉麾讚獲

七命

詔敕戰攻

後漢馮異傳云以詔敕戰攻每輒如意私心決斷未嘗

無悔

霆擊

今既發兵宜縱先至者深入霆擊

肉籬

周齊每以騎戰驅中國人為肉籬

風卷秋箐

風卷秋箐言用兵之易如此

雨矢電矛

雨矢逐天狼電矛驅海若

雷輜蔽路

雷輜蔽路萬有三千餘乘言兵車之衆如雷聲也

班固  
銘

朱旗絳天

朱旗絳天玄甲耀日

班孟堅銘

纛鼓染鐸

斬溫禺以纛鼓血尸逐以染鐸

班孟堅銘

老上龍庭

躡冒頓之區落焚老上之龍庭

班孟堅銘

嚴鼓

嚴鼓未通凶渠泥首趙宣子曰嚴鼓一通步騎士悉至

陸佐公銘

禽廬九

折簡而禽廬九傳檄以下湘羅廬江九江二郡名湘羅

二水名

陸佐公銘

壺鐺瓶甌



凶醜開地而攻子命穴浚塹宜壺鐺瓶甒以偵之鐺音

雷甒音武

潘安仁誄

雷戰鼓

高貴鄉公出雲龍門雷戰鼓

蚌蛤浮翔

陳思王上書云今東有覆敗之軍西有殪沒之將至使蚌蛤浮翔於淮泗鱗鼉謹譁於林木

戎士承平

夫豈無謀戎士承平言不習戰而敗

潘安仁詩

順時發

戎君順時發桓桓東南征

王仲宣詩

馬溢肥

軍中多飫饒人馬皆溢肥

王仲宣詩

溺驂

北拒溺驂鑣西龕收組練  
注春秋感精符曰強傑竝侵  
戰兵雷合龍門溺驂宋均曰  
龍門魯地名也時齊與宋

鄭戰敗相殺血溺駮馬謝玄暉詩

曝奔鯨

長蛇固能剪奔鯨自此曝善本作暴

塘娘

塘娘之斧禦隆車之隧注猶轍也陳孔璋檄

焞飛蓬

若舉炎火以焞飛蓬覆滄海以沃爍炭陳孔璋檄

兵器門

屏渠

傳曰屏渠盾也唐書云吳人家鶴膝而戶屏渠

七重屏

劍懸三尺鞘鎧有七重屏

六屬鎧

文屏六屬鎧寶劍七星光

胡祿

胡祿以皮為器中可以地聽

鑠蛇鱗

蕃甲鑠蛇鱗

丈八蛇矛

丈八蛇矛左右盤

出劉曜載記

水犀甲

夫差水犀之甲三千水犀之皮有珠甲山犀則無

蝦蟇車

劉劭攻豫州以大蝦蟇車載士蒙以牛皮三百人推以

塞塹破之

蘭錡

武庫禁兵設在蘭錡注錡音蟻架也受它兵曰蘭受弩

曰錡西京賦

霜刃染

霜刃染剛鏃潤吳都賦

揆懸刀

揆懸刀騁絕伎注弩牙後刀一名機  
射雄賦選

溪子巨黍

溪子巨黍子弩名

閒居賦

礪石

礪石雷駭激矢螭飛普兒反

閒居賦

金鍊

金鍊照海浦金甲也

顏延年詩

賜夷甲

越絕書勾踐被賜夷之甲帶步光之劍

七啟

亡矢遺鏃

無亡矢遺鏃之費

過秦論

秦一鋒

武帝伐南越告禱太一以牡荆畫幡日月北斗登龍以象太一三星為太一鋒命曰靈旗為兵禱則太史奉以指所伐國注牡荆荆之無子者皆潔齋之道天文志天極星其一明者太一也旁三星三公也畫一星在後三星在前為秦一鋒也

刑法志



渠答

為之高城深塹具蘭石布渠答蘭石雷石也渠答鐵蒺

藜也

晁錯傳

長鍛

鉏耨棘矜不銛於鉤戟長鍛山列反過秦論

矛端生火

矛端生火此兵氣也以火用兵

白猿啼

丈八蛇矛出隴西彎弧拂箭白猿啼

李白詩

白鵲旗

斬胡血變黃河水梟首常懸白鵲旗

李白詩

首鎧

首鎧兜鍪也又鎧苦蓋反甲之異名

齊斧

首領不足以膏齊斧注云可以整齊軍旅也

蕭斧

蕭斧越斧也

出魏都賦

衝輶

衝輶息於朔野兵車也蒲萌反

辨亡論

霹靂車

魏太祖為發石車擊紹樓皆破袁紹衆號曰霹靂車

鞬螫生蟣虱

長楊賦鞬螫生蟣虱介冑被霑汗

弓矢門

羊頭鏃

箭鏃三鏃者謂之羊頭鏃

方言

步叉

步叉釋名受矢器也

大弰

退之詩大弰挂壁無由彎詩彤弓弰兮韻畧弰弓弛貌

綠沈弓

唐太宗出獵詩琯戈夏服箭羽騎綠沈弓

路弓乘矢

路弓乘矢路大也四矢曰乘

蹶張

申屠嘉以材官蹶張從高帝擊項籍師古曰今之弩以手張者曰擘張以足蹋者曰蹶張

本傳

彀騎

彀張弩也

西漢

大黃

廣自以大黃射其裨將注云黃肩弩也黃肩即黃間

李

廣傳

彎明月

劍決浮雲氣弓彎明月輝

李白集

攫王弩

攫王弩摧狼狐洗清天地

李白集

竹弦弓

附國即漢之西夷也用弓長六尺以竹為弦

角端弓

鮮卑出原羊角端牛以角為弓所為角端弓者也郭璞  
注爾雅原羊似吳羊而角大漢書音義曰角端似牛可  
為弓

電箭

蒼梧王畫齊高帝腹為射的引滿將射之左右王天恩  
諫曰領軍腹大是佳射棚而一箭便死後無復射不如以  
電箭射之

婁矢

挹婁國弓長四尺如弩矢用楛長八寸赤石為鏃肅慎

之國也

魏志

弦驚

傷禽惡弦驚倦客惡離聲

鮑明遠詩

雙鞬

羶帶佩雙鞬象孤插彫服注鞬居言切盛弓也服盛箭

器

鮑明遠



夏服

右夏服之勁箭左烏號之彫弓

七發

忘歸矢

忘歸矢箭名

七啟

飛鋒

動觸飛鋒舉挂輕冒注箭也

七啟

殼金機

殼金機馳鳴鏑金機弩牙也

七命

積射士

漢書發積射士注積與迹同古字通用言尋迹而射之

鵲角

箭插鵬翎闊弓盤鵲角輕

九年成

闕子曰宋景公使弓工作弓九年成公曰矢遲對曰目之精力竭矣獻弓三日乃死公登箕山而射矢踰西霜之山集彭城之東餘力逸徑飲羽於石梁也

蔡邕傳注

時力距來

蘇秦傳天下之彊弓勁弩皆韓出谿子少府時力距來  
皆射於六百步之外注韓有谿子弩又有少府所造二  
種弩時力謂作之得時力距來謂能距來敵也

餓鴟叫

曹景宗曰吾騎快馬如龍拓弓弦作霹靂聲箭如餓鴟  
叫覺耳後生風鼻頭出火

南史

八牛弩

漢初得八牛弩以射楚軍矢達十里之外炙轂子

矐紅

西京賦注授射矢長八寸其絲名矐紅

素支

歷素支而冰裂注素支月支皆射括名也

赭白馬賦

繁弱

左攬繁弱右接忘歸注新序曰楚王載繁弱之弓忘歸

之矢以射兕于雲夢

嵇叔夜詩

左的

控弦破左的右發摧月支左的射的也月支射括也邯鄲淳藝經云馬射左邊為月支三枚馬蹄二枚

曹子建

射質

毛詩發彼有的注的射質也

甲兵門

士卒附

雲車

尋邑圍昆陽雲車十餘丈

號百萬

項羽兵四十萬號百萬沛公兵十萬號二十萬

高祖紀

梟騎

北陌燕人來致梟騎助漢注梟健也又勇也

高祖紀

武蠡精兵

如使狂夫叫呼於東崖匈奴飲馬於渭水京師雖有武  
蠡精兵未能窺左足而先應者也注窺音跬跬半步也

言一舉足也音口婢反

息夫躬傳

三屬甲

上身一髀禪一跽繳一

漢志

尺籍伍符

士卒盡家人子起田中從軍安知尺籍伍符注尺籍所以書軍令伍符軍士五五相保之符信

西漢

闕鞏甲

闕鞏之甲武王所以克商闕鞏國名

左傳

螳螂之衛

薄戍繇最無異蛛蝥之網弱卒瑣甲無異螳螂之衛

魏

都賦

### 材官

漢選能引強蹶張材力武猛者以為輕車騎士材官如有寇警平地用車騎山阻用材官水泉用樓船

### 釋甲執冰

左傳釋甲執冰言無戰志冰箭箚可以取飲也

### 湟面



朱全忠攻滄州劉仁恭悉發男子十五以上為兵涅其面曰定霸都之兵

七萃士

雲屯七萃士魚麗六郡兵

虞子陽詩

裹糧坐甲

左傳裹糧坐甲固敵是求正義曰用則被之於身不用則坐之於地

後之

將士絕無後者求其親戚以後之

虎豹騎

曹純督虎豹騎從太祖圍南皮

鐵林騎

西邊呼鐵鵠子為鐵林騎

東齊記事

綠沈甲

隋文賜張大淵綠沈甲獸文具裝

旗鼓門

援枹

張侯曰師之耳目在吾旗鼓進退從之乃援枹而鼓枹鼓槌也

靈夔鼓

黃帝以靈夔為鼓聲聞百里

物類相感志

隤銅丸

元帝置鞀鼓殿下自臨軒檻上隤銅丸以撻鼓聲中嚴鼓之節注隤下也撻投也

史丹傳

嚴鼓

李奇曰莊嚴之鼓節也晉灼曰疾擊之鼓也師古取杰

史丹傳

潭潭村鼓

潭潭村鼓隔溪聞

永叔詩

逢逢

不踏曉鼓朝安眠聽逢逢

退之詩

靈鼉鼓

靈鼉鼓徒河反

上林賦

營壘門

高俎

項王為高俎置太公其上李奇曰軍中果櫓方面人謂

之俎也

高祖紀

轅門

軍行以車為陳轅相向為門故曰轅門

高祖紀

戲下

諸侯罷戲下各就國注謂軍之旌麾也許宜反亦讀曰麾漢書通以戲為麾見竇田傳

高祖紀

君子營

石勒陷冀州其衣冠人物集為君子營

刁斗

李廣將兵行無部曲行陣不擊刁斗自衛注刁斗以銅作鐃受一斗晝炊飯夜擊持行名曰刁斗鐃音譙

鼓一通

凡軍行日出日沒時撾鼓千槌三百三十三槌為一通鼓音止角音動吹十二聲為一疊角音止鼓音動如此三角三鼓為昏明畢之撾陟瓜反

角一疊

見上

地聽

凡備敵令人枕空胡祿卧有人馬行三十里之外東西南北皆響見於胡祿中名曰地聽

驃騎幕

賀若弼為吳州總管遺壽州總管源雄詩曰交河驃騎  
幕合浦伏波營勿使麒麟上無我二人名

碁跣

別營碁跣

潘安仁詩

柳市

周亞夫為將軍次細柳注在昆明池南今有柳市是也  
一宿曰宿再宿曰信過信曰次

本傳

盜賊門



封豨

吳為封豨長蛇楚人謂猪為豨

吳都賦

姦回內鼎

姦回內鼎兵纏紫微音備

魏都賦

假氣游蒐

假氣游蒐迄于四紀言吳蜀僭位逋誅也

孫子荆書

魚游沸鼎

魚游沸鼎之中燕巢飛幕之上

丘希範書

脫耒為兵

脫耒為兵裂裳為旗

晉紀論

鉗子

漢成帝鴻嘉三年天水冀南山大石鳴聲隆隆如雷民俗名曰石鼓石鼓鳴有兵是歲廣漢鉗子刼畧吏民自號曰山君注鉗徒也

為之囊橐

為之囊橐注言容止盜賊若囊橐之盛物也

空道

樓蘭姑師小國當空道攻劫漢使注空即孔也江南野史周世宗下江北不能安撫百姓相與起義處處保聚謂之白甲子以禦周師

大羣盜

武帝以法制御下好尊用酷吏郡國二千石為治者大抵多暴酷吏民益輕犯法東方盜賊滋起大羣攻城邑小羣掠鄉里

諸榆賊

河間邢杲反衆至十萬先是河南人笑河北人好食榆葉故齊人號之為諸榆賊

歷山飛

煬帝時賊帥魏刁兒自稱歷山飛衆十餘萬

無端兒

唐高祖以十二人破草賊號無端兒數萬

遊艇子

隋既平陳南海有五六百家居水為亡命號曰遊艇子  
楊素傳

虎子狼孫

舊唐書王廷湊贊曰鵠鷗為怪必取其昏人君失政為  
盜啟門牙旗金鉞虎子狼孫茫茫黔首於何叫閭

飛燕

黑山賊張燕剽悍捷速過人故軍中號曰飛燕

鼓樓

鼓樓起於北史李崇牧兗州州多盜賊崇乃村置一樓懸鼓其上以擒盜賊

兵法門

建瓴

漢書秦形勝之國其以下兵於諸侯猶高屋建瓴水也

前馬

減竈驅前馬銜枚進後兵

合拳

兵法有合拳之喻出陸贄奏論言兵勢貴合也

兵春秋

兵春秋三篇

藝文志

先見敗徵

宋義論武信君必敗數日果敗軍未戰先見敗徵可謂

知兵矣

項羽傳

羊很狼貪

宋義令軍中曰猛如虎很如羊貪如狼強不可令者斬

為項羽請救趙故

項羽傳

軍興制

今聞其乃發軍興制謂以軍法從事

司馬長卿

浮囊

行兵遇大水無舟梁以渾脫羊皮吹氣令滿繫其孔束  
腋下浮度曰浮囊

天鉞

城中氣出東方其色黃名天鉞不可攻



走不逐飛

虞詡說任尚罷郡兵令出錢數千二十人共市一馬以討羌其言曰兵法弱不攻強走不逐飛今虜皆馬騎日行數百里來如風去如絕弦以步兵追之勢不能及

韓雲

韓雲如布趙牛楚日宋車魯馬衛犬周輪秦行人魏鼠齊縫衣越龍蜀困兵書也

卒逃歸

兵法卒逃歸斬之一日家人不捕執及不言於吏盡與同罪

玉鈐篇

兵法有玉鈐篇

軍糧門

發輶

往者數不料敵而師至於折傷再三發輶則曠日煩費威武虧矣注輶摧也淮南子曰內郡輶車而餉音而壠

反

取給羸蒲

魏武之初九州雲擾攻城畧地保此懷民軍旅之資權  
時調給于時袁紹軍人皆資榘橐袁術戰士取給羸蒲

半菽

士卒饑餒半菽不充

水戰門

金翅艦

陳世祖使華皎造大艦金翅等三百許艘為水戰之具

帆蓋海

蘇定方討百濟自成山海至熊津江口揚帆蓋海相續  
而至賊遂敗績

木客

勾踐使樓船卒二千伐松柏為桴曰木客

巴蛇卒

楊素伐陳遣巴蛇卒數千乘五牙四艘以檣竿碎賊十

餘艦遂大破之

樓船將軍

南越反楊僕為樓船將軍有功

黃頭郎

鄧通以擢船為黃頭郎師古曰擢能持擢行船也音直  
孝切土勝水其色黃故刺船之郎皆著黃帽因號曰黃  
頭郎

黃龍艦

楊素造大艦名曰五牙上起樓五層高百餘尺容戰士八百人次曰黃龍置兵百人自餘平乘舴艋等各有差木狗

高頴討尉遲迥為橋於沁水賊於上流縱大棧頴預為木狗以禦之

龍舟鳳艚

隋煬帝遣陸士澄往江南採木造龍舟鳳艚黃龍赤艦樓船等數萬艘艚船也音曰宿

飛靈艦

孫權乘飛靈大船

吳都賦注

舟蓋長川

泛舟蓋長川陳卒被隰垆

王仲宣詩

臨江塞要

若恃水戰臨江塞要

大小翼

越絕書伍子胥水戰兵法內經曰大翼一艘廣一丈五

尺二寸長十丈中翼一艘廣一丈三尺五寸長九丈六尺小翼一艘廣一丈二尺長九丈

御龍舟

魏文帝黃初五年為水軍親御龍舟循蔡頰浮淮幸壽春

受降門

和欺

青州刺史桓和紹東昏出戰因降梁武帝先是俗語謂



密相欺變者為和欺於是梅蟲兒如法琮等曰今日敗於桓和可謂和欺矣

阪上走丸

必相率而降猶如阪上走丸也

蒯通傳

質館

鄧太后令築南北兩部質館注築館以受降質

如受敵

耿秉擊車師受降如受敵

禽虜

王朗為會稽太守兵敗降孫策使人詰責朗自稱禽虜  
對使者云云又言申脰就鞅蹴足入絆

申脰就鞅

見上

犒軍門

牢賞

應劭言多其牢賞注牢廩食也

中酒

項羽既饗軍士中酒師古曰飲酒之中也

守禦門

徼循

秦有中尉掌徼循京師如淳云所謂遊徼循禁脔盜賊也徼工釣反

結草之固

方岳無鈞石之鎮關門無結草之固

晉紀總論

勝負門

以一為十

國淵子尼破賊以一為十太祖問之曰夫討外寇多斬之數欲大武功也

騎輪

孟明之敗匹馬騎輪無反者

傷敗踵係

傷敗踵係羽書日聞

吉語

陳湯曰不過五日有吉語聞

載路

降俘載路牛羊滿山

白骨交衢

肝腦塗地白骨交衢

潘安仁詩

衛兵門

羽林騎

漢武初置建章營騎後更名羽林騎言為國羽翼如林

之盛顏注如羽之疾如林之多

熊騎

煬帝所領軍士名熊騎光宅年改鷹揚騎

鷹揚騎

見上

巖郎

羽林郎一名巖郎言禦侮巖除下也

緹騎

漢改中尉為執金吾緹騎二百人同僚之中斯最壯矣



海錄碎事卷二十



欽定四庫全書

子部  
海錄碎事卷二十一

詳校官中書<sub>臣</sub>李彬

侍讀<sub>臣</sub>孫球覆勘

總校官進士<sub>臣</sub>繆琪

校對官中書<sub>臣</sub>王瓚

謄錄監生<sub>臣</sub>唐淮

欽定四庫全書

海錄碎事卷二十一

宋葉廷珪撰

政事禮儀部

官政門

霜滂

陳君賓為鄧州刺史時襄亂之後諸州並遇霜滂唯君  
賓一境獨免

虎猶民

郭文能馴暴虎曰撫我則后虎猶民也虐我則讐民猶

虎也

神仙傳

乘驛問政

後漢顯宗器重北海王興每有異政輒乘驛問之

政猶張琴瑟

新序曰臧孫行猛政子貢非之曰夫政猶張琴瑟也大  
絃急則小絃絕矣是以位尊者德不可以薄官大者治  
不可以小地廣者制不可以狹民衆者政不可以苛

左建外易

史記趙良謂商君曰教之化民也深於命民之効上也捷於令今君又左建外易非所以為教也

霹靂手

裴琰之為同州司戶叅軍時刺史李崇義初輕之先是州中之舊案百餘道崇義促琰之命書吏數人連紙進筆頃刻而就詞翰甚美崇義大驚曰公何忍藏鋒以成鄙夫之過由是知名號為霹靂手

唐史

吏安則人自靜

朱浮上書漢明帝云事久則吏自重吏安則人自靜

銓選門

三銓

吏部尚書一人吏部侍郎二人分為三銓尚書中銓兩侍郎分為東西兩銓

流內

通典曰隋制九品自太師始焉為之流內

四才三實

具員故事吏部擇人以四才三實四才謂身言書判三實謂德行財用劬勞

百家譜

南史御史中丞王僧孺改定百家譜後王弘劉湛並好其書弘日對千客不聞其犯一人諱湛為選曹始撰百家譜以助銓序

斜封

唐中宗朝安樂太平諸公主用事東西置兩銓恣行請託或有斜封受官預用來秋闕

甲午制

晉書王戎領吏部初為甲午制

賣官門

賣官

公革鬻爵賣官三代無有起於秦漢之權利

以賢為郎

張釋之與兄仲同居以貲為騎郎如淳曰漢注貲五百

萬得為常侍郎

本傳

行錢

豪富郎或行錢得善部

楊惲傳

散侯

後魏明帝輸粟八千石賞散侯六千石散伯四千石散

子三千石散男

冗官門



堂厨食利人

先是兩省以江淮富人給文牒周遊天下稱堂厨食利人諸道公燕居大將之上李德裕罷之

獻替錄

竈下養

更始所授官爵或有膳夫庖人時語曰竈下養中郎將爛羊胃騎都尉爛羊頭關內侯公羊傳曰炊烹為養

赦宥門

需宥有三

國朝之制凡需宥三曰大赦曰曲赦曰德音宋元憲云  
德音非可名制書乃臣下奉行制書之名天子自為德  
音非也唐常衮集赦令一門謂之德音

牛車散載

留臺奏請收李彪孝文明無此事遣左右慰勉之聽以  
牛車散載送之洛陽會赦得免

德號

出德號省刑罰如言德音也

上林賦

迴霜收電

重蒙陛下愷悌之宥迴霜收電

陸士衡表

起偃為豎

起偃為豎化屍為人言減刑之恩如此

簫動

王充論衡赦令將至則繫室簫動

削丹書

苟削丹書得夷平民丹書罪籍也

陸士衡表

貢士門

白袍子

或有朝士譏宋濟曰近日白袍子何太紛紛濟曰為朱

袍紫袍紛紛耳

國史補

充秀州閭

劉璣舉秀才與其父書曰此歲賢人充秀州閭可謂得  
人

署行議年

興廉舉孝歲時於外府署行議年日夕於中甸

計考

詔曰今之計考古之貢士也

賦租門

奉公吏

何武弟顯家有市籍租常不入市嗇夫來商捕辱顯家  
顯怒欲以吏事中商武曰以吾家租賦不為衆先奉公  
吏不亦宜乎

廩假

後漢入稅租助郡國廩假注廩給假貸者也

詬租吏

縣省司刑官戶乏詬租吏

叫租吏

叫租吏李賀詩

馬口錢

漢元鳳年詔令民無出馬口錢

口錢

宣帝行幸河東減天下口錢

橘柚稅

越多橘柚有稅謂之橙橘戶

戶口門

游戶

諸葛亮曰荊州著籍者少凡有游戶皆使自實

隱丁脫卒

上作通天臺未有人王仲舒為中尉脫卒得數百萬注  
隱漏未為卒也

左戶右戶

北齊分戶部為左戶右戶左戶主天下計戶口右戶主  
天下公私田宅課

朱出墨入

後周蘇綽始制文案程式朱出墨入及計帳戶籍之法

刑法門



擣撫

蕭何擣撫法令宜於今者作律九章乃著令

三尺法

客謂杜周曰君為天下決平不循三尺法注以三尺竹

簡書法律也

本傳

次骨

杜周為中丞少言重遲而內深次骨注云其用法刻深

至骨

本傳

秋荼

傷秋荼之密網注荼葉繁密刑苛如之

王元長

誅始

幽執圜圉當為誅始

陸士衡表

俚之

李陵既頽其家聲僕又俚之蚕室音二次也

司馬遷

科律

劉劭定科律作新令十八篇

僕區之法

左傳楚文王作僕區之法

正經三百

正經三百孔父創其威儀大法三千蕭何設其條貫

城旦春

前漢音義髡鉗為城旦春城旦者晝日伺役夜暮築長城春者婦人犯罪不任軍役之事故但令春以食徙者

熏胥

蔡邕云下獲熏胥之辜前書云史遷熏胥以刑音義云相熏蒸得罪也

文致

以文飾咄致人於罪

一切之法

一切之法刀切物不容舒縮也

綱目不踈

劉公幹以失敬罹罪魏文帝問曰卿何以不謹於文憲

禎答曰臣誠庸短亦由陛下綱目不疎

小加弘潤

賈充初定律令與羊祜共咨太傅鄭沖沖曰臯陶嚴明之旨非僕闇懦所探羊曰上意欲令小加弘潤耳沖乃粗下意

長流

世俗呼治獄叅軍為長流蓋帝王世紀云帝少昊崩其神降於長流之山於祀主秋秋官司寇主刑罰長流之

職故取秋帝所居為嘉名焉出家訓流一作留

鶴頭杻

隋書刑法志有鶴頭杻

法防

法防繁多則苟免之行興杜林之言

萬病丸

律有不應為法家易為附麗謂之萬病丸御史臺試補一吏令斷案引法乃為不應為從重問之乃曰中丞要

重則上下添雜端要重則旁邊注幕府燕閒錄

枷有三脫

王忱為盤屋鎮將軍士犯令杖而枷之百日迺脫未百日脫者有三我死則脫爾死則脫天子之命則脫由是後無犯者

國史補

孟青

侯思止謂決囚大棒為孟青

朝野僉載

鬼薪白粲

取薪給宗廟為鬼薪坐擇米使正白為白粲皆三歲刑也

西漢

五算

惠帝六年令女子年十五以上至三十不嫁五算注漢律人出一算二百二十錢唯賈人與奴婢倍算今使五算罪謫之也

欲腐

景帝中四年赦徒作陽陵者死罪欲腐者許之注宮刑



也丈夫割勢不能復生子如腐木不生實

鈇左趾

敢私鑄鐵器鬻鹽者鈇左趾注鈇足鉗也徒計反鬻古

黃字

骹正法

皇帝骹天下正法而許大王甚厚骹古委字曲也

金選品

甫刑云罰小過赦薄罪贖金選音刷鍰也其十一銖即

一十五分

大辟

尚書正義辟罪也死是罪之大者故謂死刑為大辟

倍差

尚書正義其罰倍差者倍之又有差則不啻一倍也

犯槐刑

齊景公有所愛槐令曰犯槐者刑傷槐者死有醉而傷槐者且加刑焉出晏子春秋

令式跽人

令式跽人不可以成官政出河間王傳

具五刑

漢興大辟有夷三族之令當三族者皆先黥劓打左右趾笞殺之梟其首菹其骨肉於市謂之具五刑韓信彭越皆受此誅

笞髡

景帝時當笞髡無得更人

藁草

楚懷王使屈平造憲令藁草未定上官大夫見而欲奪之不與因讒曰平為令衆莫不知王怒疎平

史記

李法

黃帝李法曰壁壘已定穿窬不由路者殺注李者法官之號也總主征伐刑戮之事故稱其書曰李法天文志左角李右角將

漢罪秦

言秦漢遷流罪人於南方以禦魑魅

金科玉條

金科玉條言法令也

洿瀦刑

洿瀦鬱沒之刑寢焚瘞懸沈之禮備

負殺羊

後魏法巫蠱者負殺抱犬沈諸泉

麟趾格

後魏有麟趾格蓋律令格

權令

北齊定律令其不可為定法者別制權令二卷與之並行

大律

後周司憲大夫拓拔迪奏新律謂之大律

贖刑

書曰金作贖刑謂誤而入刑出黃金以贖

三居

書五流有宅五宅三居謂有三等之居大罪四裔次九州之外次千里之外也

門房

後魏有門房之誅謂其族屬

痕痛

傳曰遇人不以義而見痕者與痕人之罪鈞惡不直也以杖手毆擊人破其皮腫起青黑而無創瘢者律謂之

痕瘡痕音移瘡音鮪

玉科金書

玉科重輕金關墨綬全書去取更由丹筆謂刑法輕重  
在手也

桎梏

桎者兩手共一木桎梏兩手各一木在手曰桎在足曰  
梏中罪不桎手足各一木下罪又去桎也

黑索



縲黑索紩攣繫也古人有罪用黑索攣繫之

民在鼎矣

趙鞅鑄刑鼎著范宣子所為書仲尼曰民在鼎矣何以尊法謂棄禮徵書也

十鼠同穴

三官駁鮑勛罪依律罰金二片帝大怒曰勛無活分而汝等敢縱之收三官以下付刺姦當十鼠同穴

里端之籍

無假里端之籍而惡子咸誅歌錄鴈門太守行云外行  
猛政內懷慈仁移惡子姓偏著里端謂以法令著於里  
閭也惡子賊也

兩端

盧毓上論古今科律法宜一正不宜兩端使姦吏得容  
情偽魏志

誅戮門

懸首於木

懸首於木曰梟

漢書注

顯誅隱戮

羣談者受顯誅腹議者蒙隱戮

陳孔璋檄

改磔

景帝改磔曰棄市勿復磔注磔張其尸也棄市殺之於市取刑人於市與衆弃之也

斬首穴胃

今日斬首穴胃何知程李

灌夫傳

魚肉之

令我百歲後皆魚肉之乎言食噉之

灌夫傳

系頸蠻邸

罹身與嗣竟罹齊斧

桓溫贊

乘露車

陳制死罪將決乘露車著三械加拳手至市脫三械及

拳手焉

白刃加頸

羌叛和帝問段穎穎曰狼子難以恩結唯當白刃加頸耳

獄訟門

揮鞞

王元長策秀才文或揚旌求士或設簾待賢注禹治天下以五聲為銘於簾曰教我以道者擊鼓以義擊鐘以事振鐸語以憂擊磬語以獄揮鞞

棘林

棘林多夜哭之鬼春秋元命包云樹棘槐聽訟其下

王

元長策秀才文

### 歌雞鳴

歌雞鳴於闕下稱仁漢牘

王元長策秀才文

### 吏訊

卒從吏訊言下獄也

鄒陽書

### 嬰金鐵

其次剔毛髮嬰金鐵受辱

司馬子長書

圓門

抱痛圓門合憤獄戶

李斯書

關三木

魏其大將也衣赭關三木

司馬子長書

請室

絳侯囚請室七淨切

司馬子長書

安南象

僉載安南有象能辨曲直有鬪訟者象顛之有理者即

過無理以鼻卷之擲空中數丈以牙接之

夏臺

風俗通云獄曰夏臺殷曰羑里周曰囹圄賈王獄中詩  
曰端憂夏臺

杓虛

漢書勾園十星杓曰賤人之牢牢中星實則囚多虛則  
開出

若盧獄



前漢若盧獄屬少府後漢和帝置若盧獄官漢舊儀云  
主鞠將相大臣也

牢戶

獄閉也後漢書云終填牢戶

銀鐺

後漢董卓收崔烈付郿獄錮之銀鐺鐵鎖說文云銀鐺  
鎖也前書人犯鑄錢以鐵鎖銀鐺其頸銀音郎鐺音當  
飲章

蔡邕被告下獄自陳曰臣為楚毒所迫促以飲章注飲  
謂隱也謂隱其告人姓名以問也章則表也

胥靡

楚王戊與吳通謀申公白生諫不聽胥靡之注胥相靡  
隨也聯繫使相隨而服役之猶今之役囚徒以鎖聯綴  
之 楚元王傳

事白

張敖事白得出白明也

深探其獄

公孫弘疑淮南有畔逆計深探其獄注謂窮其根原也  
淮南王傳

請室

白冠釐纓盤水加劔造請室而請罪耳注請罪之室

司

馬遷

證左

三長史使吏捕案張湯左田信等注左證左也謂之左

者言除罪人正身之外又取其左右者考問之也

書獄

張湯為兒鼠盜肉湯取鼠具獄磔堂下父觀文辭如老  
獄吏遂使書獄

造獄

律無妻母之法聖人所不忍書此經所謂造獄者也師  
古曰非常刑名造殺戮之法 王尊傳

無證之辭

告案無證之辭暴揚難驗之罪

共工獄

劉輔諫立趙婕妤囚於掖庭獄徒繫共工獄少府之屬

官也亦有詔獄

本傳

暴治理官

宜暴治理官與衆共之暴白也

丹棘

恨予在丹棘不得看素旗沈佺期在獄中間友人死

頌繫

有罪盜當械者皆頌繫如淳曰頌容也言見寬容但處曹吏舍不入狴牢也

畫地為牢

畫地為牢勢不可入削木為吏議不可對

圜牆圉犴

皆獄也

斷獄門

日報

雖黥罪日報其執不止報論也

宿訟

宿訟兩讓而同歸疑獄得情而弗喜

奏當

奏當之成雖臯陶聽之以為死有餘辜當謂處其罪也

路溫舒傳

貞字署

有沙門訟田梁武帝大署貞字有司未辨劉顯曰貞字

文為與上人帝忌其能出之

去酒省食

杜綏為太常治諸陵縣每冬月封具獄日常去酒省食  
官屬稱其有恩

問平反

雋不疑尹京兆每行錄囚還母輒問有所平反活幾人  
耶有則喜笑為飲食無則怒不食反音幡言幡罪人辭  
使從輕也



薦舉門

七薦

吳越春秋子胥與吳夫差王論兵七薦孫子遂以為將

負朝廷

甄琛嘗謂朝士曰琛行不愧時但未薦李謐以此負朝廷耳

自同寒蟬

後漢杜密曰劉勝位為大夫知善不薦聞惡不言隱情

徇己自同寒蟬注寒蟬喻寂默也

推轂士

其推轂士及官屬丞吏誠有味其言也

鄭當時傳

毀稱

京房曰古帝王以功舉賢則萬化成末代以毀稱取人  
故功業廢

議禮門

國客

象胥凡國大喪詔相國客之禮儀注謂諸侯使臣來弔者也

容典

後漢范曄論曹褒曰漢初叔孫通頗采經禮參酌秦法雖適物觀時然先王之容典盖多缺矣

先問儀適

見對見門

九閣

後漢百官志漢家禮儀叔孫通所草創皆隨律令在理

官藏於九閣

東觀集禮

東觀集禮曹褒撰次自天子至於庶人冠婚吉凶終始制度為五十篇奏東觀集禮

禮家聚訟

班固欲廣集諸儒共議禮制度得失帝曰作舍道傍三年不成議禮之家名為聚訟昔堯作大章一夔足矣

曲臺記

七畧曰宣帝時行射禮博士后蒼為之辭至今記之曰  
曲臺記曲臺行射禮之所

任彥升行狀

祭祀門

請比隣

後漢張忠署孫寶為主簿遂祭竈請比隣

俎實

顏延年釋奠詩昭事是肅俎實非馨

王衷

以薦王衷以答神祐

顏延年

蘭湯

浴蘭湯兮沐芳華采衣兮若英

九歌

電醕

千鐘電醕子曜反言酒醕如電疾也

七命

酎金

漢武帝因八月嘗酎金令諸侯出金助祭所謂酎金也

上丁

釋奠通禮儀纂云上丁者取丁寧盡恭之意也

上辛

通禮儀纂云上辛必以辛者取其齋戒日新也

寓錢

寓錢據唐臨冥報錄自唐以來始用之謂之寓錢言其寄錢形象于紙也

餽牽

殺之曰餽生致曰牽

魚菽祭

常之母有魚菽之祭何休曰齊俗婦人首祭事言魚豆者示薄陋無所有也

方明

太甲以冬至祀先王于方明注覲禮諸侯覲天子為壇十有二尋加方明于其上孟康曰方明者神明之象也以木為之四方尺畫六采東青西白南赤北黑上玄下黃



熙事

熙事備成言福熙之事備成也

漢志齋房歌

孝熙

大矣孝熙四極奚臻注熙福也

漢房中歌

迪嘗

登城南田百鬼迪嘗迪進也

房中歌

蕃釐

見鬼神門

河龍共鯉

河龍共鯉醇犧牲注河龍夏之所賜者也供鯉給厨故云

百末旨酒

百末旨酒布蘭生師古以百草花末雜酒故香具美事

見春秋繁露

房中歌

新菜可灼

夏祭曰灼言新菜可灼也

爾雅

鬱金酒

梁元帝明堂齋宮詩香浮鬱金酒烟繞鳳凰樽

鳳凰樽

見上

會龍虢

日月會於龍虢注虢丁邁反十月時也國語日月會於

龍周家於是常祀也

東京賦

逆釐

感動天地逆釐三神言迎福於天地人之神也

甘泉賦

禮神囿

集乎禮神之囿登乎頌祇之堂為歌頌以祭祀神祇故

曰頌祇堂

頌祇堂

見上

擁神休

擁神休明尊號

甘泉賦

樵蒸

甘泉賦樵蒸焜上炬火也禮供祭祀之薪蒸粗曰薪細

曰蒸

祕祝

文帝除祕祝注祕祝之官移過於下國家諱之故曰祕祝

祝釐

文帝詔先王望祀不祈其福右賢左戚先民後己今祠官祝釐皆歸福於朕躬朕甚愧之釐福也音僖

中雷

五祀門戶井竈中雷注古者穴居故名室中為中雷

祠盛山

齊自太公以來祠盛山以迎日出音成

泮凍涸

秦并天下祠名山大川春以脯酒為歲禱因泮凍秋涸  
凍冬塞禱祠涸下故反塞音賽

竹宮

武帝用事甘泉圓丘天子自竹宮而望拜注竹宮去壇

三里 郊祀志

紫幄

紫幄注饗神之幄也帳上四下而覆曰幄

房中歌

馬社馬步

禮仲春祭馬祖仲夏祭先牧仲秋祭馬社仲冬祭馬步

檀柘移

一羞蘋藻驟移檀柘言移歲月也

神祖

風俗通共工之子曰脩好遠遊舟車所至足跡所達靡不

窮覽故祀以為祖神祖者祖也即行之義

鴻祀

東晉哀帝欲與殿前鴻祀侍中劉遵言此唯出大傳不在六籍劉向鄭玄雖為其訓自後不同前代以來並無其式注以鴻鴈來為候或曰鴻大也

請晴

漢制謂崇為請晴服赤幘朱衣

卜日



開元禮大祀中祀卜日小祀筮日

齋禁

莫懷齋禁暫無聊謂差祠事也

天君

又祭天神號天君

元神

告成大報受釐元神天帝也呂安牖牖賦云奏元神下

告皇祇

顏延年

祭器門

圭瓚

圭瓚鄭司農於圭頭為器可以挹鬯裸祭謂之瓚

盛盆樽瓶

臧文仲燔柴竈夫子譏之曰盛于盆樽于瓶

死亡門

脩文郎

顏回死為地下脩文郎老杜詩脩文地下郎又云脩文

地下深

典午

譙周嘗書版示文立曰典午忽兮月酉沒兮典午謂司馬也月酉八月也至八月而司馬文王崩

下世

秦穆先下世三臣皆自殘

曹子建詩

朝霜

天地無終極人命若朝霜

曹子建詩

遺挂

潘安仁悼亡詩流芳未及歆遺挂猶在壁謂平生服用之物

九逝

九逝非空思七襄無成文

顏延年詩

長夜臺

翼翼飛輕軒駸駸策素騏按轡遵長薄送子長夜臺

陸

士衡詩

溘死

寧溘死以流亡注奄也

離騷

酒藏吏

戴洋死五日而蘇說死時天使其為酒藏吏

八威觀主

貞觀中西京道士張惠元忽謂門人曰吾被天書徵為

八威觀主居數日無疾而終

羽翼幽沈

羽翼幽沈朽壤朽暗

百歲行人

百歲行人九泉歸客

九馱殘日

九馱殘日五達悲風

大夜

大夜銜輝窮泉漏澤

化死

莊子曰無怛化化死也

武擔石折

後漢武擔石折任文公曰噫西州智士死我乃當之後  
三月果卒

歲至龍蛇

鄭玄字康成病夢孔子告之曰起起今年歲在辰來年  
歲在巳既悟以識合之知命將終注巳為蛇辰為龍歲  
至龍蛇賢人嗟

萬人墳

唐韋溫夢被攝一人曰彼墳至大功須萬人至期果卒

促界

悼賈傳之秀朗紆遠轡於促界

猿穴壞山

孔融臨終詩云河潰蟻孔端山壞由猿穴

上天衣

亡人座上作魂衣謂之上天衣



長殤

十六至十九為長殤十二至十五為中殤八歲至十一為下殤七歲已下為無服之殤

終死

君子曰終小人曰死死之言漸也事卒為終消盡為漸  
孩抱中物

王戎喪子悲不自勝山簡曰孩抱中物何至於此

載牛車

張湯死其母載以牛車有棺而無槨

三日霧

帝王世紀伊尹卒天霧三日

樹稼

唐書寧王憲病時寒凝霜封樹或以為春秋雨木冰即此亦名樹稼憲曰俗諺樹稼達官怕吾其死乎果薨

白瑤宮

李賀卒母夢賀言上帝建白瑤宮令作記又勅凝虛殿

使某纂樂章今為神仙中人甚樂也

物類相感志

金蟬質絹

李元忠卒以金蟬質絹乃得斂焉

陸機演連珠

墜屨亡簪

江漢之君悲其墜屨少原之婦哭其亡簪

不愁遺

孔丘卒哀公誄之曰昊天不弔不愁遺一老俾屏予一人言天不善于魯不早遺一老愁且也

絕命書

伍被謂淮南王曰臣竊悲大王棄千乘之君將賜絕命之書為羣臣先身死于東宮也

伍被傳

絕命辭

息夫躬初待詔數危言高論自恐遭害著絕命辭後數年繫獄死如其文

本傳

物故

前以降及物故凡從蘇武還者九人注謂死也言其同

于鬼物而故也

大故

含憂虞衷服之以大故注謂死亡也

綠雲迎

人吹玉簫去天借綠雲迎

松下塵

李白詩昔好孟中物今為松下塵言其人死也

屬續

疾困屬續以候氣注續新綿置于口鼻也

破瓜年

談苑呂洞賓嘗謁張洎自言呂渭之後洎四子溫恭倫讓讓為海州刺史洞賓乃海州房贈洎詩云功成當在破瓜年而洎以六十四卒破瓜乃二八是其證也

畏刑

死而不弔二畏壓溺王肅曰犯法獄死謂之畏爾雅曰畏刑者也

七七

人死每七日然香散花哭盡哀而止盡七七而罷至百  
日三年亦如之人皆奉佛之字同于天竺此林邑國也

舊草

何逝沒之相尋曾舊草之未異

懷舊賦

歎逝賦

歎逝賦陸士龍作

大暮

寤大暮之同寐注大暮長夜也

歎逝賦

歸骨

終歸骨兮山足之死矢兮靡它

寡婦賦

朝露溘至

朝露溘至握手何言

恨賦

齋志沒地

齋志沒地注齋持也

上

脩夜不暘



入脩夜之不暘言死上

寂蔑

殂落固云是寂蔑終如斯

陸韓卿詩

不可為諱

恐卒然不可為諱謂死也

司馬遷書

長逝者

長逝者魂魄私恨無窮

上

早世即冥

誰謂不痛早世即冥誰謂不傷葉繁中零

曹子建詩

菁華隱沒

菁華隱沒芳流歇絕

顏延年詩

不愁留

愁魚斬反曾不愁留梁摧奄及

興山止簣

彼蒼如何興山止簣言死也

埋玉樹

庾亮死曰埋玉樹著土中使人情何能已

區區木

格乎上下者藏于區區之木光于四表者翳乎叢爾之  
土

喪弔門

弔客

吳志虞翻仲翔忤孫權徙交州死以青蠅為弔客

輟春

任昉哭范雲詩輟春哀國均注秦五殺大夫秦人皆輟  
春不食以思之

帶地川

逝矣經天日悲哉帶地川

留謁

夜臺無曉日沽酒與何人又一本云戴老黃泉下還應  
釀大春夜臺無李白沽酒與何人

弔鶴

李白哭王炎詩海內故人泣天涯弔鶴來

葬送門

車千乘

劇孟母死客送喪車千餘乘

車萬兩

孔光葬送車萬餘兩

下里物

茂陵富人以數千萬陰積貯炭輦諸下里物昭帝大行

時方上事暴起用度求辦田延年奏言商賈或豫具方  
上不能器物欲以求利非民臣所當為請沒入縣官注  
死者歸葬蒿里葬地故曰下里

柩車

輜在庭設祖奠於輜東輜柩車也

執披

輜出升車執披有執前後披執紼者引輜出

聖車

將卜葬主人乘堊車詣宅兆所

朱壽之器

梁商薨詔賜東園朱壽之器注壽器棺木也

空木

魂氣散何之枯形寄空木

葬近要離

衆葬梁鴻近要離墓曰要離古烈士伯鸞清高可令相近

晨會

鄭子僑卒將葬公孫揮與裨竈晨會焉注會葬事焉

蒿里行

蒿里傳亦曰蒿里行

挽柩歌

薤露送王公貴人蒿里送士大夫庶人挽柩者歌之亦

呼為挽柩歌

送葬歌



左傳齊將與吳戰艾陵公孫夏使其徒歌虞殯杜預曰  
送葬歌也

聖周

禮記有虞氏瓦棺殷人聖周周人棺槨釋文音稷治土  
為軌四周於棺

明旌

銘明旌也以死者為不可別已故以其旗識之

輕車介士

安世薨天子贈印綬送以輕車介士輕車戰車也

容車介士

祭遵薨賜容車介士

出後漢

素旃

何以述德表之素旃

曹植魏文帝誄

珠襦玉匣

漢帝及侯王送死皆用珠襦玉匣

商芸小說

比葬七臨

馮素弗為宰輔及死馮跋哭之慟比葬七臨之素弗跋弟也

輶輶車

楊素薨給輶輶車班劍二十人前後部羽葆鼓吹

溫明秘器

裴叔業卒給東園溫明秘器

幅巾葬

張奐令以幅巾葬曰奢非桓文儉非王孫

凝笳

凝笳翼高蓋其聲凝咽也

謝玄暉詩

廣柳

龍幌被廣柳前驅矯輕旗禮記飾棺君龍帷振容黼幌  
幌蒙也音荒在傍曰帷在上曰幌皆所以飾柳也輿棺  
之車其蓋曰柳

陸士衡挽歌

四葬

扶南國有四葬水葬則投之江流火葬則焚為灰燼土

葬則瘞埋之鳥葬則棄之山野

薤露詩

中閨且勿諠聽我薤露詩死生各異倫祖載當有時

陸

士衡挽歌

薤行

薤露歌亦曰薤行

靈輶

陸士衡挽歌舍爵兩楹位啟殯進靈輶喪車也音而

駸駸

陸士衡挽歌翼翼飛輕軒駸駸策素騏按轡遵長簿送

子長夜臺

重櫬

嘆息重櫬側櫬楚覲切棺也

輜軒

素駢佇輜軒喪車也

陸士衡

魂輿

金匱要略卷二十一  
魂輿寂無響但見冠與帶魂車也 陸士衡

六紼

杜預要集凡挽天子六紼諸侯四大夫二士一

復土

復土漢書音義下棺訖復以穿壙土填塞故云

寧極

權相吳善注先生碑云寧極于露仙館寧極美葬也

埋一枝

九泉大夜埋吾一枝

祭妹文

萬鬼隣

已化一棺之土將為萬鬼之隣

四六集

幃帷

幃帷喪車之帷

就木

就木入棺也左氏云又二十五年則就木矣

襄事



喪事襄成也成其葬事

左傳

輜車

輜車音溫本以開闔溫涼得名後遂專為喪車

輜車

輜音青喪車也殯則謂之輜車葬則謂之柳車

柩不入郵

唐法喪柩不得入郵

喝邊簫

謝希逸誄鏘楚挽於槐風喝邊簫於梅霧注喝鳴也

題湊既肅

題湊既肅虛筮既辰注題湊梯木向內也

謝希逸詩

葬樂池

盛姬亡穆王乃殯姬於穀丘之廟葬於樂池之南

謝希

逸誄

導吉路

導吉路兮凶歸

喪事准約

喪事准約用過乎儉

蔡伯喈碑

會葬千人

陳太丘死會葬千人以上

塚墓門

汲塚

汲魏地也冢襄王冢也晉太康二年汲縣民不準盜發古冢獲書皆竹簡素絲編素一絲

冥漠君

謝惠連祭古冢號之為冥漠君

象初連山

霍去病冢象初連山

本傳

過家上塚

岑彭南還津鄉有詔過家上塚

杳冥君

薛稷為杳冥君銘其略云時代攸徂寧窮姓氏久歇火

風爰歸地水

柏下人

諸人共遊周家墓柏下詩云感彼柏下人

摸金校尉

曹操置發丘郎將摸金校尉所過隳突無骸不露

文冢

劉蛻文冢銘在梓州

叢鄉

富鄭公於徐州葬遺骸為一大塚曰叢冢有人過徐夜  
迷失道入一村落居民甚衆問之曰此名叢鄉富鄭公  
所建乃其冢也

青瑣高議

### 宮人斜

唐內人墓謂之宮人斜四仲遣使祭之見春明退朝錄  
石押衙

汴都之南百餘里有周公墓墓前一石人能為怪人或  
遇之多稱魯校書或石押衙

洞微志

葬玉埋香

王溪編事王蜀時秦州節度使王承儉築城獲瓦棺中有石刻曰隋開皇二年渭州刺史張崇妻王氏銘文有深深葬玉鬱鬱埋香之語

法書苑

石賢士

有田家母於墓前石人下以肉祭之云此石人能愈疾故來謝人皆禱之疾多愈因號石賢士

封氏見間記

宿草

曾子曰朋友之墓有宿草而不哭焉注宿草陳根也師心喪三年朋友期可

神道

後漢中山簡王薨詔大為修冢塋開神道注云墓前開道

黃墟

選曹子建詩常懼顛沛抱罪黃墟注黃墟墳墓也

始寧墅



謝靈運有過始寧墅詩蓋其祖父所葬并有故宅

流藹

陸士衡詩悲風鼓行軌傾雲結流藹注流行藹蓋也

玄廬

重阜何崔嵬玄廬窺其間注墓也

萬鬼隣

陸士衡詩昔居四民宅今託萬鬼隣

白楊

荒草何芸芸白楊亦蕭蕭

淵明詩

松銘

駕言出遠山徘徊泣松銘

潘岳

狐兔塵

鮑照蒿里歌聲我長恨意歸為狐兔塵

哀隴

梁昭明太子作虞山招直治碑云遠望仙雍則高墳蕭

瑟旁臨齊女則哀隴蒼茫

黃坡

夫差女詩云悲怨成疾沒身黃坡

虎丘

闔廬所葬有金精之異故名虎丘

千人石

虎丘澗側有平石可容千人坐謂之千人石俗傳因生

公講法于此

埏中

埏音延墓道也

芻靈

芻靈草人也

塋壠

上音榮墓域也秦晉間謂冢為壠

玉鳧

闔閭葬銅棺三重傾池六尺玉鳧之流扁諸之劍存焉  
出越絕書

封冢

宣帝思張賀恩欲封其塚為恩德侯置守塚二百家師古曰身死追封故曰封冢

裸體黃漢

溫韜在耀州發掘唐帝諸陵殆盡授代歸闕或憂其闕乏其子曰使一裸體黃漢足了一年言得金偶人也

青松宅

鮑溶詩謂墳為青松宅

並枕樹

三吳記潘章夫婦死葬冢木交枝號並枕樹

福德田

史氏唐開元人也捨高原之田十餘頃為衆人葬地名曰福德田

女正人

益州記荔枝灘東南山頂上有一塚唯生女正人郡國志云楚道縣王女塚是也其縣屬戎州

萬民塚

在番禺縣郡國志云盧循襲廣州民死三萬循葬之共塚名之曰萬民塚

宋玉墓

宋玉墓在宜城縣

青犬塚

青犬塚在寶應縣北十五里古老云漢時張氏好飲一日出市醉還倒卧草中野火作犬于淮水戰帶泥水四

面展卓火不能害犬力疲而死主人以家人禮葬之

蓬顆蔽塚

蓬顆蔽塚顆塊也言塊土上生蓬蓋小塚也

燕銜土

臨江閔王榮被徵自殺葬藍田燕數萬銜土置冢上百  
姓憐之

京兆阡

京兆尹曹氏葬茂陵民謂其道為京兆阡原涉慕之迺



買地開道立表曰南陽阡人不肯從謂之原氏阡涉父  
為南陽太守故云

游俠傳

方中

方中謂壙中也

出前漢

銘旌志石

將掩壙施銘旌志石於壙門之內

掃墓望喪

後來之士立身從政縱不能為子高門以待封豈可令

母掃墓而望喪乎

古萋林

古萋林在下邳有大家徐君墓延陵掛劍處

塚成鱗

千年松柏下稠疊塚成鱗

旌表石

葭萌縣漢樂卿石羊埧有旌表無書字年號亦無

荒埏

卷二十一  
暫啓荒埏長局幽隴墓中道也 劉夫人墓志

魚山

陳思王植初登魚山臨東阿喟然有終焉之志遂營為墓

生居冢

生居家在海康縣西北舊經云昔有人避難鑿池深千丈上累為冢下為隧道以入全家居之

行楸

岩岩雙表列列行楸行胡郎反楸墓也

懷舊賦

柏森森

柏森森墳累累

上

蔓草縈骨

蔓草縈骨拱木歛魂

恨賦

昭丘

昭丘楚昭王墳也方言冢大者為丘

謚諱門

極其思致

何法盛晉中興書顏延之為始安郡道經潯陽常飲淵明舍自晨達昏及淵明卒為誄極其思致

文君作誄

西京雜記司馬相如死文君為作誄

作誄者四十人

晉郗超死貴賤操筆作誄者四十人

柳下惠妻作誄

柳下惠死妻自作誄門人不能損一字

列女傳

碑銘門

大作家

王綰好與人作碑志有送潤毫者悞叩其兄右丞維門  
維曰大作家在那邊

盧氏雜記

豐碑

公室視豐碑言視者時僭天子也豐碑者斲大木為之  
形如石碑於槨前從四角樹之穿中於間為鹿盧下棺

以絳繞天子六絳四碑前後各重鹿盧也禮

十五字碑

唐裴敬撰李太白墓碑銘云貴盡皆然名存則難乃予重官作李翰林碑十五字而已

作鎮石

秦王俊薨王府僚佐請立碑上曰欲求名一卷史書足矣何用碑為若子孫不能保家徒與人作鎮石耳

樹碑表墓

樹碑表墓昭銘景行

蔡伯喈碑

石誌

吳均齊春秋王人曰石誌不出禮典起宋文帝元嘉顏延年為王琳石誌劉夫人墓誌注

中河墜月

齊文獻王疑年四十九薨武帝勅王融為銘云半岳摧  
峯中河墜月帝流涕曰此正吾欲言也

不了語



老卒推倒退之淮西碑曰碑文有不了語謂不迷李愬

瘞玉

瘞玉勒成鏤金垂烈

忌諱門

洛雒

漢以火德王天下都洛陽以洛字旁有水水尅火遂改就佳

隨隋

隨以魏齊不遑寧處文帝惡之去走單書隋字

小小不具

苻生有目疾其不足不具少無缺傷殘毀偏隻之言皆  
不得道太醫令程延合安胎藥問人參好惡并藥分多  
少延曰雖小小不具自可堪用生以為譏已鑿延目出  
而後斬之

詛盟門

銅棺誓

長沙有銅棺山湘中記云程普關羽分界於此共鑄銅棺為誓相侵者以銅棺著之

明誓

丹青著明誓千載不相忘

阮嗣宗詩

指白水

指白水而旌信援青松以示心

絕交論

憂制門

承諱

文選楊荊州誄曰承諱忉怛注云在遠聞喪曰承諱

縞冠素紕

祥而縞注云縞冠素紕也紕避支反檀弓

徙月

是月禪徙月樂注言禪明月可以作樂上

草上殘息

草上殘息復遇今酷言丁父母憂也  
袁昂傳

孝隱士

何點字子哲居父母憂幾至滅性世以為孝隱士謂其弟徹為小隱士

服舍

易王薨未葬太子建嗣居服舍注倚廬聖室之次也

還賻

原涉父死讓還南陽賻涉父為南陽太守

聖室

齊線服累塹為聖室剪蒲為席不緣

一溢米

父母之喪食粥朝一溢米暮一溢米注二十兩曰溢一溢為一升二十四分升之一也

倚廬墓所

田德懋丁父艱高祖降璽書曰知在窮疾哀毀過禮倚廬墓所負土成墳宜自割抑以禮自存也

瘡巨釁深

瘡巨釁深不勝荼毒

實氣摧魂

實氣摧魂扣心泣血

衣裳外除

衣裳外除心哀內疚禮記曰親喪外除鄭玄曰日月已竟哀不忘也李翰曰謂除脫衣服也

憂心如酲

長懷永慕憂心如酲

家艱

歷試無効且有家艱謂有父母憂也

順變

喪禮自初喪至終每變必異

內憂

內憂母喪也

私艱

予既有私艱岳遭父憂故云

懷舊賦

至艱



生人之至艱荼毒之極哀寡婦賦

苦席

易錦茵以苦席言居喪也

同上

險釁

臣以險釁夙遭閔凶

陳情表

倚廬

注倚牆至地而為之無楣柱也

起復門

外墨

張說姚崇碑敦諭起復袁麻外墨樂棘內變毀禮中權  
通識所貴

奪服

桓焉以母憂賜牛酒奪服

起令視事

李彪上言如有遭父母喪者皆得終服若無其人有曠  
厥官則優旨慰喻起令視事但綜理所司出納敷奏而

己國之吉慶一令無預帝覽稱善尋施行焉

官舍設靈

傅咸繼母喪以無兄弟自陳詔乃使於官舍設靈

攝事

張華為度支尚書母憂詔令攝事決成伐吳之計

素甲觀兵

李雄母死欲申三年之禮任回諫曰昔武王素甲觀兵

晉襄墨經從戎

公除

宋庾蔚之謂公除是公家除其喪服

金革奪情

韋沖丁母憂俄而起為南寧州摠管詔曰知在難疾日月亦多金革奪情蓋有通式宜自抑割即膺往旨

墨纒從事

令狐熙丁父憂河陰之後詔令墨纒從事

賻贈門

法贈

何並病作先令書以告子恢吾生素餐日久死雖當得  
法贈勿受

賻贈

白虎通士貨賻曰賻車馬曰賻玩好曰贈衣被曰襚春  
秋說題辭曰知生則賻知死則贈

出自機杼

後漢王丹其友人喪親丹懷縑一疋陳之主人前曰如

丹此縑出自機杼

百金祝

朱建母死辟陽侯迺奉百金祝注贈終者之衣式芮反  
其字從衣

祭奠門

寒冰乾飯

顧憲之遺令云范史雲烈士之高亦奠以寒冰乾飯

祭幄七十

唐辛雲京葬中使及諸節度祭者七十幄

禪月掩魄

寶舟輟棹禪月掩魄

李白祭璿和尚文

祖奠

輜在庭設祖奠於輜東輜樞車也

檀弓

爪表餘犀

爪表餘犀犀爪瓣也

祭古塚文

絮酒一卮

會葬者屯車千乘懷賢者絮酒一卮

椒醑蘭羞

椒醑方新蘭羞將錯

挽詞文

酸風

酸風去路遥鄭文肅挽詞王禹玉用李賀酸風

苦月

亭寒照苦月隴暗積愁雲

裴將軍挽歌

釋巾



金史卷之二十一  
卷二十一  
邢邵釋巾為魏宣武挽郎

寵悼

吳兢永泰公主挽詞畫綬哀榮備遊軒寵悼彰

白虎捧箭

許遠守睢陽有祭文云太一先鋒蚩尤後殿蒼龍持弓

白虎捧箭

華屋

生存華屋處零落歸山丘

子建詩

楚挽

謝都督挽歌云楚挽繞廬



海錄碎事卷二十一